

М.Шкетан лүмеш Марий кугыжаныш драме театрыште тыршыше Морко кундемын уста ўдыр-эргышт кокла гыч иктыже - Кортасэнер ялын уста ўдыржө Кристина Лебедева. Тудо "Юмынўдыр", Шўм парым", "Элнет", "Айдемын йоратымаш" спектакльлаште рольым чонен. Тыгак рушла шындыме "Морозко", "Большое сердце маленького хрю", "Царевна лягушка", "Лесная сказка" йомаклаште мodyn. Тиде жапыштак муро аланыштат чапланен шуктен, калыкклан тудо "Кўрылтшө йоратымаш", "Йората, огеш йорате", "Шарнем", "Пырля тунемме рвезе", "Лумэрге", "Шошо", "Коктын веле пырля" муро-влак дене палыме.

- *Йоча годым чыла пашажат куштылгыла чучеш, сандене ты пагытыште ушна дене көгына лийын огына шукто. Кристина, "Көлияш?" манме йодыш тыйын ончылнет пўсын шоген мо?*

- Ончыкыжым артист лийме нерген шонымаш тунам ушыштемжат пёрдын огыл, а мураш да кушташ йоратенам. Школышто тунемме годым шкемым чўккыдынак конкурслаште тергенам. Ты мастарлыкше авам дечын куснен манын понем. Тыгак мый сўретлаш пещ йоратенам, сандене 4-ше класс деч вара авам Йошкар-Оласе художественный школыш колтынеже ыле, но балл ситыдымылан көра тунемаш пурен сенген омыл. Мо ышталгеш, тудо чылажат сайлан манын, арам огыл ойлат. Тушко пурен кертам гын, тачысе кечын артистат, мурызат ом лий ыле дыр. 9-ше класс деч вара мый И.С.Палантай лүмеш тўвыра да сымыктыш колледжыш каenam. Икымше ийлаште мөнтгө кажне арнян гаяк кудалыштынам. Колледжыште тунеммына годым ансамбль дене мураш-



шыже годым авана кум икшыве дене шинчен кодын: мый - куд ияш да Снежана ден Альбина шўжарем-влак. Куд ий гыч авана вес ешым чумырен да вараже Катюша ден Никита шочыныт, нуно але школышто шинчымашым погат. А кугурак шўжарем-влак ынде ешан улыт. Мыланна, вич икшывыштлан, ача ден авана шўм шокшыштым иксемынак пуэн шогат, садланак нуным моткоч йоратена.

- *Тый ешан улат?*

- Туге. Шым ий ончыч Куженер районысо Руш-Шой ял гыч Станислав Лебедевлан марлан лектынам. Шке жапыштыже тудо И.С.Палантай лүмеш тўвыра да сымыктыш колледжыште хореографлан тунемын лектын, "Марий Эл" куштышо да мурышо ансамбльыште пашам ыштен. Коктынат тўвыра аланыште тыршыме жапыште окса шотышто чўдылык шижалтмылан көра чонлан келшыше пашажым коден каяшыже логалын. Станислав кызит чонымо пашаште. Лишыл жапыште ешыштына ешартышым вучена.

- *Тиде пеш кугу куан. Тугеже тек тендан чылажат сай лиеш.*

- Поро шомакланда тау.

Лариса ПЕТРОВА мутланен
Снимкылаште: М.Шкетан лүмеш Марий кугыжаныш драме тетарын артистше Кристина Лебедева; "Юмынўдыр" мюзикл гыч Пали (Кристина Лебедева) ден Митяй (Алексей Тетерин)

Фотом еш альбом гыч налме

Материалым савыкташ ямдылыме жапыште, а лачшым гын 4 августышто, Кристина ден Станислав Лебедевмыт ава-ача лийыныт. "Йыгыр азам ыштышаш ыле манын, ондакак шоненам. А кызит ынде тидлан йшанымылат ок чуч. Тидым моткоч кугу пиаллан шотлем".

КОРТАСЭНЕР ЯЛЫН УСТА ЎДЫРЖӨ — МУРЫЗО ДА АРТИСТ



кушташ түрлө кундемлаш коштынна, шке мастарлыкнам конкурслаште ончыктенна.

- Ончылно тыйым М.Шкетан лүмеш марий кугыжаныш драме театрыште паша вучен. Тале артист-влакын ешышкышт ушнаш лүдмашан лийын огыл?

- Чыным каласаш гын, тўгалтыште изишак тургыжланенам, но вара чылажат веран-верышкыже шинчын. А коллектив тыште моткоч сай улмаш, мый кажныже нергенат поро мутым веле ойлен кертам. Икымше репетиций, икымше гана калык ончыко лекмаш - чылажат тургыжланымаш гоч эртен. Тиде лийын "Юмынўдыр" мюзикл, тушто мый Палин образшым чоенам. Артистын пашаже неле, кажне рольышкыжат чоным пыштен, чонымо образын кумылжым шижын мошташ кўлеш.

- Кристина, шкендым муро аланыштат терген шуктенат. Палаш онай ыле: калык коклаште тыйым ончычракше мурызо але артист семын паленыт?

- Мурызо семын манын каласен кертам, молан манаш гын, сценыш тунеммем годымак лектынам. Тылеч вара муро-влакем радио дене йонгалтараш тўгалыч. Тунам мыйым Кристина Семенова семын паленыт, а марлан лекмекем, Лебедева лийынам. Колледжыш тунемаш пурымо деч вара мурымо мастарлыкым умбакыже шуараш йон

лектын. "Автодор" тўвыра пўртыштө "Югорно" бард клуб пашам ышта ыле. Усталык шўлышан ўдыр-рвезе-влак тушто гитар дене шокташ тунемыныт, муреныт, түрлө мероприятийыште шкеныштым ончыктеныт. Нунын коклаш мыят уло кумылын ушненам. "Автодор" пеленак калык театр ыле, туштат шкемым ончыкташ тыршенам. Утларакше мый лыжга муро-влакым да гитар сем почеш мураш йоратем. "Лумэрге", "Пырля тунемме рвезе" да моло мурым лачшымак гитар почеш йонгалтарем.

- Ўдырамашлан шкем эреак эскерен шогаш кўлеш, а артистлан поснак чот шуко тыршыман дыр?

- Чынжымак, пўртўс, ача-ава мом пуэныт, тудо моторлыкым арален моштыман. Кап-кыл шотышто шекланаш тўчем, пелашем дене теңыз воктене кажне ийынак каналтен толына.

- Шочмо вершўр кажне айдемылан лишыл да шерге. Тудын нерген мутым лукмеке, шинча ончылан эн ончычак ача-ава сурт, модын куржталме сылне урем сўретлалтыт. Туге вет?

- Мутат уке, эн лишыл ең-влак эре ушыштак улыт. Мыйын авам, Светлана Григорьевна Семенова, Советский районысо Муглово ял гыч марлан толын. Ачам дене коктынат тўвыра аланыште тыршеныт. Ачам мастарын сўретлен моштен, тудын ўмыржў гына кўчыкырак лийын. Кумло ия-

